



文選正文

山子點

六

~ 16
3162
6



門 16
號 3162
卷 6

文選 又卷之六

詩類

贈蔡子篤詩 四言

王祭

翼翼飛鸞載飛載東我友云徂言及舊邦舫舟翩翩以泝大江蔚矣荒塗時行靡通慨我懷慕君子所同悠悠世路亂離多阻濟岱江行邈焉異處風流雲散別如雨人生實難願其弗與瞻望遐路允企伊佇烈烈冬日蕭蕭淒風潛鱗在淵歸鴈載軒苟非鴻鵬孰能飛翻雖則追慕予思罔宣瞻望東路慘愴增歎率彼江流爰逝靡期君子信誓不遷於時及于同寮生死固之何以贈行言授斯詩中心孔悼涕淚漣洏嗟爾君子如何勿思

文選 卷之六

贈士孫文始

王祭

天降喪亂靡國不夷我暨我友自彼京師宗守盪失越用遁
違遷于荆楚在漳之湄在漳之湄亦克宴處和通麓墳比德
車輔既度禮義卒獲笑語庶茲永日無警厥緒雖曰無警時
不我已同心離事乃有逝止橫此大江淹彼南汜我思弗及
載坐載起惟彼南汜君子居之悠悠我心薄言慕之人亦有
言靡詰不思矧伊嫵婉胡不悽而晨風夕逝託與之期瞻仰
王室慨其永歎良人在外誰佐天官四國方阻俾爾歸藩爾
之歸藩作式下國無曰蠻裔不虔汝德慎爾所主率由嘉則
龍雖勿用志亦靡忒悠悠濟澧鬱彼唐林雖則同城邈其迥
深白駒遠志古人所箴允矣君子不遐厥心既往既來無密

爾音

贈文叔良

王祭

翩翩者鴻率彼江濱君子于征爰聘西隣臨此洪渚伊思梁
岷爾行孔邈如何勿勤君子敬始慎爾所主謀言必賢錯說
申輔延陵有作僑盼是與先民遺跡來世之矩既慎爾主亦
迪知幾探情以華覩著知微視明聽聰靡事不惟董褐荷名
胡寧不師衆不可蓋無尚我言悟官致辯齊楚構患成功有
要在衆思歡人之多忌掩之實難瞻彼黑水滔滔其流江漢
有卷允來厥休一邦若否職汝之由緬彼行人鮮克弗留尚
哉君子異于他仇人誰不勤無厚我憂惟詩作贈敢詠在舟

贈五官中郎將四首

五言

劉楨

昔我從元后。整駕至南鄉。過彼豐沛都。與君共翱翔。四節相
推斥。季冬風且涼。衆賓會廣座。明燈燿炎光。清歌製妙聲。萬
舞在中堂。金壘含甘醴。羽觴行無方。長夜忘歸來。聊且爲大
康。四牡向路馳。歡悅誠未央。余嬰沉痾疾。竄身清漳濱。自夏
涉玄冬。彌曠十餘旬。常恐游岱宗。不復見故人。所親一何篤。
步趾慰我身。清談同日夕。情眎叙憂勤。便復爲別辭。游車歸
西隣。素葉隨風起。廣路揚埃塵。逝者如流水。哀此遂離分。追
問何時會。要我以陽春。望慕結不解。貽爾新詩文。勉哉修令
德。北面自寵珍。

秋日多悲懷。感慨以長歎。終夜不遑寐。叙意於濡翰。明燈耀
閨中。清風淒已寒。白露塗前庭。應門重其關。四節相推斥。歲

月忽欲殫。壯士遠出征。戎事將獨難。涕泣灑衣裳。能不懷所
歡。

涼風吹沙礫。霜氣何皚皚。明月照緹幕。華燈散炎暉。賦詩連
篇章。極夜不知歸。君侯多壯思。文雅縱橫飛。小臣信頑魯。僂
俛安能追。

贈徐幹

劉楨

誰謂相去遠。隔此西掖垣。拘限清切禁。中情無由宣。思子沉
心曲。長歎不能言。起坐失次第。一日三四遷。步出北寺門。遙
望西花園。細柳夾道生。方塘含清源。輕葉隨風轉。飛鳥何翻
翻。垂人易感動。涕下與衿連。仰視白日光。嗷嗷高且懸。兼燭
入絃內。物類無頗偏。我獨抱深感。不得與比焉。

贈從弟三首

劉楨

汎汎東流水。磷磷水中石。蘋藻生其涯。華葉紛擾溺。采之薦宗廟。可以羞嘉客。豈無園中葵。懿此出深澤。亭亭山上松。瑟瑟谷中風。風聲一何盛。松枝一何勁。冰霜正慘悽。終歲常端正。豈不羅凝寒。松柏有本性。鳳皇集南嶽。徘徊孤竹根。於心有不厭。奮翅凌紫氛。豈不常勤苦。羞與黃雀羣。何時當來儀。將須聖明君。

贈徐幹

曹植

驚風飄白日。忽然歸西山。圓景光未滿。眾星粲以繁。志士營世業。小人亦不閒。聊且夜行游。游彼雙闕間。文昌鬱雲興。迎風高中天。春鳩鳴飛棟。流焱激樞軒。顧念蓬室士。貧賤誠足憐。薇藿弗充虛。皮褐猶不全。忼慨有悲心。興文自成篇。寶棄怨何人。和氏有其愆。彈冠俟知己。知己誰不然。良田無晚歲。膏澤多豐年。亮懷興璿美。積久德逾宣。親交義在敦。申章復何言。

贈丁儀

曹植

初秋涼氣發。庭樹微銷落。凝霜依玉除。清風飄飛閣。朝雲不歸山。霖雨成川澤。黍稷委疇隴。農夫安所獲。在貴多忘賤。為恩誰能博。狐白足禦冬。焉念無衣客。思慕延陵子。寶劍非所惜。子其寧爾心。親交義不薄。

贈王粲

曹植

端坐苦愁思。攬衣起西游。樹木發春華。清池激長流。中有孤

鴛鴦哀鳴求匹儔我願執此鳥惜哉無輕舟欲歸忘故道顧
望但懷愁悲風鳴我側義和逝不畱重陰潤萬物何懼澤不
周誰令君多念自使懷百憂

又贈丁儀王粲

曹植

從軍度函谷驅馬過西京山岑高無極涇渭揚濁清壯哉帝
王居佳麗殊自城員闕出浮雲承露粲秦清皇佐揚天惠四
海無交兵權家雖愛勝全國爲令名君子在末位不能歌德
聲丁生怨在朝王子歡自營歡怨非貞則中和誠可經

贈白馬王彪

曹植

謁帝承明廬逝將歸舊疆清晨發皇邑日夕過首陽伊洛廣
且深欲濟川無梁汎舟越洪濤怨彼東路長顧瞻戀城闕引

領情內傷其一
大谷何寥廓山樹鬱蒼蒼霖雨泥我塗流潦
浩縱橫中遠絕無軌改轍登高岡修坂造雲日我馬玄以黃
其二
玄黃猶能進我思鬱以紆鬱紆將難進親愛在離居本
圖相與偕中更不克俱鳴臬鳴衡扼豺狼當路衢蒼蠅問白
黑讒巧令親疎欲還絕無蹊攬轡止踟躕其三
踟躕亦何留
相思無終極秋風發微涼寒蟬鳴我側原野何蕭條白日忽
西匿歸鳥赴喬林翩翩厲羽翼孤獸走索羣銜草不遑食感
物傷我懷撫心長太息其四
太息將何爲天命與我違奈何
念同生一往形不歸孤魂翔故城靈柩寄京師存者忽復過
亡沒身自哀人生處一世去若朝露晞年在桑榆間影響不
能追自顧非金石咄嗟令心悲其五
心悲動我神棄置莫復

陳丈夫志四海。萬里猶比隣。恩愛苟不虧。在遠分日親。何必同衾幃。然後展殷勤。憂思成疾疢。無乃兒女仁。倉卒骨肉情。能不懷苦辛。其六苦辛何慮思。天命信可疑。虛無求列仙。松子久吾欺。變故在須臾。百年誰能持。離別永無會。執手將何時。王其愛玉體。俱享黃髮期。收淚卽長路。援筆從此辭。其七

贈丁翼

曹植

嘉賓填城闕。豐騰出中厨。吾與二三子。曲宴此城隅。秦箏發西氣。齊瑟揚東謳。有來不虛歸。觴至反無餘。我豈狎異人。朋友與我俱。大國多良材。譬海出明珠。君子義休偕。小人德無儲。積善有餘慶。榮枯立可須。滔滔蕩固大。節時俗多所拘。君子通大道。無願為世儒。

贈秀才入軍五首 四言

嵇康

良馬既閑。麗服有暉。左攬繁弱。右接忘歸。風馳電逝。躡景追飛。凌厲中原。顧盼生姿。携我好仇。載我輕車。南凌長阜。北厲清渠。仰落驚鴻。俯引淵魚。盤于游田。其樂只且。

長吟
輕車迅邁。息彼長林。春木載榮。布葉垂陰。習習谷風。吹我素琴。咬咬黃鳥。顧疇弄音。感悟馳情。思我所欽。心之憂矣。永嘯

浩浩洪流。帶我邦畿。萋萋綠林。奮榮揚暉。魚龍瀟灑。山鳥羣飛。駕言出游。日夕忘歸。思我良朋。如渴如饑。願言不獲。愴矣其悲。

息徒蘭圃。秣馬華山。流磻平臯。綸長川。且送歸鴻。手揮五

絃俯仰自得游心太玄嘉彼釣叟得魚忘筌野人逝矣誰與
盡言

閑夜肅清朗月照軒微風動桂組帳高寒旨酒盈樽莫與交
歡鳴琴在御誰與鼓彈仰慕同起其聲若蘭佳人不在能不
永歎

贈山濤 五言

司馬彪

若若倚桐樹寄生於南岳上凌青雲霓下臨千仞谷處身孤
且危於何託余足昔也植朝陽傾枝俟鸞鷲今者絕世用空
億見迫束班匠不我顧牙曠不我錄焉得成琴瑟何由揚妙
曲冉冉三光馳逝者何速中夜不能寐撫劍起躑躅感彼
孔聖歎哀此年命促下和潛幽冥誰能證奇璞冀願神龍來

揚光以見燭

答何劭二首

張華

吏道何其迫窘然坐自拘纓綬爲微繆文憲焉可踰恬曠苦
不足煩促每有餘良朋貽新詩示我以游娛穆如灑清風煥
若春華敷自昔同寮案於今比園廬衰疾近辱殆庶幾並懸
輿散髮重陰下抱杖臨清渠屬耳聽鶯鳴流目翫儵魚從容
養餘日取樂於桑榆

洪鈞陶萬類大塊稟羣生明闇信異姿靜躁亦殊形自予及
有識志不在功名虛恬竊所好文學少所經忝荷旣過任白
日已西傾道長苦智短責重困才輕周任有遺規其言明且
清負乘爲我戒夕惕坐自驚是用感嘉貺寫心出中誠發篇

雖溫麗無乃違其情

贈張華

何劭

四時更代謝懸象迭卷舒暮春忽復來和風與節俱俯臨清
泉涌仰觀嘉木敷周旋我陋圃西瞻廣武廬既貴不忘儉處
有能存無鎮俗在簡約樹塞焉足墓在昔同班司今者重園
墟私願偕黃髮逍遙綜琴書舉爵茂陰下携手共躊躇奚用
遺形骸忘筌在得魚

贈馮文舉遷斥丘令四言

陸機

於皇聖世時文惟晉受命自天奄有黎獻聞闕既闢承華再
建明明在上有集惟彥其一奕奕馮生哲問允迪天保定子
靡德不鏤邁心玄曠矯志崇邈遵彼承華其容灼灼其一嗟

我人斯戢翼江潭有命集止翻飛自南出自幽谷及爾同林
雙情交映遺物識心其一

人亦有言交道實難有頌者弁千

載一彈今我與子曠世齊歡利斷金石氣惠秋蘭其一四羣黎

未綏帝用勤止我求明德肆于百里僉曰爾諧仲民是紀乃

眷北徂對揚帝祉其一五疇昔之游好合纏綿借曰未洽亦既

三年居陪華幄出從朱輪方驥齊鑣比迹同塵其一六之子既

命四牡項領遵塗遠蹈騰軌高騁慶雲扶質清風承景嗟我

懷人其邁惟永其一七否泰有殊窮達有違及子春華後爾秋

暉逝將去我陟彼朔陲非子之念心孰為悲其一八

答賈長淵并序

陸機

余昔為太子洗馬魯公賈長淵以散騎常侍侍東宮積年余

出補吳王郎中令元康六年入爲尚書郎魯公贈詩一篇作此詩答之云爾

伊昔有皇肇濟黎蒸先天創物景命是膺降及羣后迭毀迭興邈矣終古崇替有徵其一在漢之季皇綱幅裂火辰匿暉金虎曜質雄臣馳騫義夫赴節釋位揮戈言謀王室其二王室之亂靡邦不泯如彼墜景曾不可振乃眷三哲俾乂斯民啓土綏難收物承天其三爰茲有魏卽官天邑吳實龍飛劉亦岳立干戈載揚俎豆載戢民勞師興國玩凱入其四天厭霸德黃祚告讟獄訟違魏謳歌適晉陳留歸藩我皇登禪庸岷稽顙三江改獻其五赫矣隆晉奄宅率土對揚天人有秩斯祐惟公太宰光翼一祖誕育洪胄纂戎于魯其六東朝旣

建淑問戕戕我求明德濟同以和魯公戾止袞服委蛇思媚皇儲高步承華其七昔我逮茲時惟下僚及子棲遲同林異條年殊志比服舛義稠游跨三春情固二秋其八祗承皇命出納無違往踐藩朝來步紫微升降秘閣我服載暉孰云匪懼仰肅明威其九分索則易携手實難念昔良游茲焉永歎公之云感貽此音翰蔚彼高藻如玉如蘭其十惟漢有木曾不踰境惟南有金萬邦作詠民之胥好在狷厲聖儀形在昔予聞子命其十一

於承明作與士龍五言

陸機

牽世嬰時網駕言遠徂征飲餞豈異族親戚弟與兄婉孌居人思紆鬱游子情明發遺安寤寤言涕交纓分塗長林側揮

袂萬始亭佇盼。要遐景傾耳。玩餘聲南歸。憩永安北邁。頓承
明永安有昨軌。承明子棄子俯仰。悲林薄慷慨。含辛楚懷在。
歡絕端悼來。憂成緒感別。慘舒翻思歸。樂遵渚。

贈尚書郎顧彥先二首

陸機

大火貞朱光。積陽熙自南。望舒離金虎。屏翳吐重陰。淒風在
時序。苦雨遂成霖。朝游忘輕羽。夕息憶重衾。感物百憂生。纏
綿自相尋。與子隔蕭牆。蕭牆阻且深。形影曠不接。所託聲與
音。音聲日夜闌。何用慰吾心。

朝游游層城。夕息旋直廬。迅雷中宵激。驚電光夜舒。玄雲拖
朱閣。振風薄綺疏。豐注溢脩霽。潢潦浸階除。停陰結不解。通
衢化爲渠。沉稼湮梁頰。流民泝荆徐。眷言懷桑梓。無乃將爲

魚

贈顧交趾公真

陸機

顧侯體明德。清風肅已邁。發迹翼藩后。改授撫南裔。伐鼓五
嶺表。揚旌萬里外。遠績不辭小。立德不在大。高山安足凌。巨
海猶縈帶。惆悵瞻飛駕。引領望歸旆。

贈從兄車騎

陸機

孤獸思故藪。離鳥悲舊林。翩翩游宦子。辛苦誰爲心。鬢髮
水陽。婉孌崐山陰。管魄懷茲土。精爽若飛沉。寤寐靡安豫。願
言思所欽。感彼歸塗艱。使我怨慕深。安得忘歸草。言樹背與
襟。斯言豈虛作。思鳥有悲音。

答張士然

陸機

潔身躋秘閣。秘閣峻且玄。終朝理文案。薄暮不遑眠。駕言巡
明祀。致敬在祈年。逍遙春王囿。躑躅千畝田。迴渠繞曲陌。通
波扶直阡。嘉穀垂重穎。芳樹發華顛。余固水鄉士。總轡臨清
淵。戚戚多遠念。行行遂成篇。

爲顧彥先贈婦二首

陸機

辭家遠行游。悠悠三千里。京洛多風塵。素衣化爲緇。修身悼
憂苦。感念同懷子。隆思亂心曲。沉歡滯不起。歡沉難尅興。心
亂誰爲理。願假歸鴻翼。翻飛游江沔。東南有思婦。長歎充幽
闔。借問歎何爲。佳人眇天末。游宦久不歸。山川脩且闕。形影
參商乖。音息曠不達。離合非有常。譬彼弦與箏。願保金石軀。
慰妾長饑渴。

贈馮文龍

陸機

昔與二三子。游息承華南。拊翼同枝條。翻飛各異尋。苟無凌
風翮。徘徊守故林。慷慨誰爲感。願言懷所欽。發軔清洛汭。驅
馬大河陰。佇立望朔塗。悠悠迥且深。分索古所悲。志士多苦
心。悲情臨川結。苦言隨風吟。愧無雜佩贈。良訊代兼金。夫子
茂遠猷。款誠寄惠音。

贈弟士龍

陸機

行矣怨路長。怒焉傷別促。指途悲有餘。臨觴歡不足。我若西
流水。子爲東峙岳。慷慨逝言感。徘徊居情育。安得携手俱。契
闊成駢服。

爲賈謐作贈陸機四言

潘岳

肇自初創。二儀網縵。粵有生民。伏羲始君。結繩闡化。八象成文。茫茫九有。區域以分。其一神農。更王軒轅。承紀畫野。離疆爰封。衆子夏殷。既襲宗周。繼祀綿綿。瓜瓞六國。互峙其二。疆秦兼并。吞滅四隅。子嬰面櫬。漢祖膺圖。靈獻微弱。在湟則淪。三雄鼎足。孫啓南吳。其三南吳。伊何僭號。稱王大晉。統天仁風。遐揚僞孫。銜璧奉土。歸疆婉婉。長離凌江。而翔其四。長離云誰。洛爾陸生。鶴鳴九臯。猶載厥聲。况迺海隅。播名上京。爰應旌招。撫翼宰庭。其五儲皇之選。實簡惟良。英英朱鸞。來自南岡。躍藻崇正。玄冕丹裳。如彼蘭蕙。載採其芳。其六藩岳作鎮。輔我京室。旋反桑梓。帝弟作弼。或云國宦。清塗攸失。吾子洗然恬淡。自逸其七。廊廟惟清。俊又是延。擢應嘉舉。自國而

遷。齊轡羣龍。光讚納言。優游省闈。珥筆華軒。其八昔余與子。繾綣東朝。雖禮以賓。情同友僚。嬉娛絲竹。撫鞞舞韶。脩日朗月。携手逍遙。其九自成離羣。一周于今。雖簡其面。分著情深。子其超矣。實慰我心。發言爲詩。俟望好音。其十欲崇其高。必重其層。立德之柄。莫匪安恒。在南稱柑。度北則橙。崇子鋒穎。不頽不崩。其十一

贈陸機出爲吳王郎中令 潘尼

東南之美。曩惟延州。顯允陸生。於今妙儔。振鱗南海。濯翼清流。婆娑翰林。容與墳丘。其一玉以瑜潤。隨以光融。乃漸上京。羽儀儲宮。玩爾清藻。味爾芳風。泳之彌廣。挹之彌沖。其二崑山何有。有瑤有珉。及爾同僚。具惟近臣。予涉素秋。子登青春。

愧無老成。則彼日新。其三。祁祁大邦。惟桑惟梓。穆穆伊人。南國之紀。帝曰爾諧。惟王卿士。俯僨從命。奚恤奚喜。其四。我車旣中。我馬旣秣。星陳夙駕。載脂載轄。婉孌二宮。徘徊殿閣。膠澄莫饗。孰慰飢渴。其五。昔子忝私。貽我蕙蘭。今子徂東。何以遺旃。寸畧惟寶。豈無瑛璠。彼美陸生。可與晤言。其六。

贈河陽 丑言

潘尼

處生化軍。父子奇蒞。東阿桐鄉。建遺烈武。城播絃歌。逸驥騰夷路。潛龍躍洪波。弱冠步鼎鉉。旣立宰三河。流聲馥秋蘭。擢藻豔春華。徒美天姿茂。豈謂人爵多。

贈侍御史王元貺

潘尼

崑山積瓊玉。廣廈構衆材。游鱗萃靈沼。撫翼希天階。膏蘭孰爲消。濟治由賢能。王侯厭崇禮。迺迹清憲臺。螭屈固小往。龍翔迺大來。協心毗聖世。畢力讚康哉。

贈何劭王濟

并序

傅咸

朗陵公何敬祖。咸之從內兄。國子祭酒王武子。咸從姑之外孫也。並以明德見重於世。咸親之重之情。猶同生義。則師友何公旣登侍中。武子俄而亦作二賢相得。甚歡。咸亦慶之。然自恨闇劣。雖願其繼緒而從之。末由。歷試無效。且有家艱。心存日替。賦詩申懷。以貽之云爾。

日月光太清。列宿耀紫微。赫赫太霄朝。明明闕皇闕。吾兄旣鳳翔。王子亦龍飛。雙鸞游蘭渚。一離揚清暉。携手升玉階。並坐侍丹帷。金璫綴惠文。煌煌發令姿。斯榮非攸庶。繼緒情所

希豈不企高蹤。麟趾逸難追。臨川靡芳餌。何爲守空坻。摘葉待風飄。逝將與君違。違君能無戀。尸素當言歸。歸身蓬華廬。樂道以忘飢。進則無云補。退則恤其私。但願隆弘美。王度日清夷。

答傅咸

郭泰機

皎皎白素絲。織爲寒女衣。寒女雖妙巧。不得秉杼機。天寒知運速。况復鴈南飛。衣工秉刀尺。棄我忽若遺。人不取諸身世。事焉所希。况復已朝餐。曷由知我飢。

爲顧彥先贈婦詩二首

陸雲

悠悠君行邁。晃晃妾獨止。山河安可踰。永路隔萬里。京室多妖冶。粲粲都人子。雅步摧纖腰。巧笑發皓齒。佳麗良可美。哀賤焉足紀。遠蒙眷顧。銜恩非望始。

浮海難爲水。游林難爲觀。容色貴及時。朝華忌日晏。皎皎彼姝子。灼灼懷春粲。西城善雅舞。總章饒清彈。鳴簧發丹唇。朱絃繞素腕。輕裾猶電揮。雙袂如霧散。華容溢藻幄。哀響入雲漢。知音世所希。非君誰能讚。棄置北辰星。問此玄龍煥。時暮復何言。華落理必賤。

答兄機

陸雲

悠遠塗可極。別促怨會長。銜思戀行邁。興言在臨觴。南津有絕濟。北渚無河梁。神往同逝感。形留悲參商。衡軌若殊迹。牽牛非服箱。

答張士然

陸雲

行邁越長川。飄飄冒風塵。通波激枉渚。悲風薄丘榛。修路無窮迹。井邑自相循。百城各異俗。千室非良隣。歡舊難假合。風士豈虛親。感念桑梓城。鬢髯眼中人。靡靡日夜遠。眷眷懷苦辛。

答盧諶四言并序

劉琨

琨頓首。損書及詩。備辛酸之苦言。暢經通之遠旨。執玩反覆。不能釋手。慨然以悲。歡然以喜。昔在少壯。未嘗檢括。遠慕老莊之齊物。近嘉阮生之放曠。怪厚薄何從而生。哀樂何由而至。自頃輶張。困於逆亂。國破家亡。親友彫殘。塊然獨坐。則哀憤兩集。負杖行吟。則百憂俱至。時復相與。舉觴對膝。破涕爲笑。排終身之積慘。求數刻之暫歡。譬由疾疢彌年。而欲一丸

銷之。其可得乎。夫才生於世。世實須才。和氏之璧。馬得獨耀於郢。握夜光之珠。何得專玩於隋。掌天下之寶。固當與天下共之。但分析之日。不能不悵恨。爾然後知。聃周之爲。虛誕。則宗之爲。妄作也。昔騷驥倚軒於吳阪。長鳴於良樂。知與不知也。百里奚愚於虞。而智於秦。遇與不遇也。今君遇之矣。最之已。不復屬意於文。二十餘年矣。久廢則無次。想必欲其一反。故稱指送一篇。適足以彰來詩之益美耳。琨頓首頓首。

厄運初遭。陽爻在六。乾象棟傾。坤儀舟覆。橫厲糾紛。羣妖競逐。火燎神州。洪流華域。彼黍離離。彼稷育育。哀我皇晉。痛在心目。其一。天地無心。萬物同塗。禍淫莫驗。福善則虛。逆有全邑。義無完都。英葉夏落。毒卉冬敷。如彼龜玉。韞櫝毀諸。芻狗

之談其最得乎。其二咨余軟弱弗克負荷，愆累仍彰，榮寵屢加，威之不建，禍延凶播，忠隕于國，孝愆于家，斯罪之積如彼。山河斯震之深，終莫能磨。其三郁穆舊姻，媿婉新婚，不慮其敗，惟義是敦，裏糧携弱，匍匐星奔，未輟爾駕，已隳我門。二族偕覆，三孽並根，長慚舊孤，永負危魂。其四亭亭孤幹，獨生無裨，綠葉繁縟，柔條脩罕，朝採爾實，夕捋爾竿，半翠豐尋，逸珠盈碗，寔消我憂，憂急用緩，逝將去矣，庭虛憤滿。其五虛滿伊何，蘭桂移植，茂彼春林，瘁此秋棘，有鳥翻飛，不遑休息，匪桐不棲，匪竹不食，永戢東羽，翰撫西翼，我之敬之，麼歡輟職。其六音以賞奏，味以殊珍，文以明詩，言以暢神，之子之往，四美不臻，澄醪覆觴，絲竹生塵，素卷莫啓，幄無談賓，既孤我德，又

重贈盧諶 五言

劉琨

關我隣。其七光光段生出，幽遷喬，資忠履信，武烈文昭，旌弓駢駢，輿馬翹翹，乃奮長麻，是繕是鑿，何以贈子，竭心公朝，何以叙懷，引領長謠。其八

握中有懸壁，本自荆山瑤，惟彼太公望，昔在渭濱叟，鄧生何感激，千里來相求，白登幸曲逆，鴻門賴留侯，重耳任五賢，小白相射鉤，苟能隆二伯，安問黨與讐，中夜撫枕歎，想與數子游，吾衰久矣夫，何其不夢周，誰云聖達節，知命故不憂，宣尼悲獲麟，西狩滌孔丘，功業未及建，夕陽忽西流，時哉不我與，去乎若雲浮，朱實隕勁風，繁英落素秋，狹路傾華蓋，駭駟摧雙輪，何意百鍊剛，化為繞指柔。

贈劉琨并書 四言

盧湛

故吏從事中郎盧湛死罪死罪。湛稟性短弱，當世罕任。因其自然，用安靜退，在木闕不材之資，處鴈之善，鳴之分，卷異蓬子。愚殊甯生，匠者時盼，不免。嘗自思，惟因緣運會，得蒙接事，自奉清塵，于今五稔，謨明之效不著，候人之譏已彰。大雅含弘，量包山藪，加以待接，彌優款眷，逾昵與運，籌之謀，厠譏私之歡，綢繆之旨，有同骨肉，其爲知己，古人罔喻。昔聶政殉嚴，遂之顧，荆軻慕燕丹之義，意氣之間，糜軀不悔，雖微達節，謂之可庶。然苟曰有情，孰能不懷，故委身之日，夷險已之事，與願違，當忝外役，遂去左右，收迹府朝，蓋本同末，異楊朱與哀始，素終玄墨，垂涕分垂之際，咸可歎慨，致感之途，或

迫于茲，亦奚必臨路而後長號，覩絲而後歔歔哉。是以仰惟先情，俯覽今遇，感存念亡，觸物增眷。易曰：書不盡言，言不盡意。然則書非盡言之器，言非盡意之具矣。况言有不得至於盡意，書有不得至於盡言，耶。不勝猥謙。謹貢詩一篇，抑不足以揄揚弘美，亦以摠其所抱而已。若公肆大惠，遂其厚恩，錫以咳唾之音，慰其違離之意，則所謂咸池酬於北里，夜光報於魚目，湛之願也。非所敢望也。湛死罪死罪。

濟哲惟皇，紹熙有晉，振厥弛維，光闡遠韻。有來斯雍，至止伊順。三台擢朗，四岳增峻。其一伊陟佐商，山甫翼周，弘濟艱難，對揚王休。苟非異德，曠世同流。如其忠貞，宣其徽猷。其二伊謏陋宗，昔邁嘉惠，申以婚姻，著以累世。義等休戚，好同興廢。

孰云匪諧如樂之契其三王室喪師私門播遷望公歸之視
險忽艱茲願不遂中路阻顛仰悲先意俯思身愆其四大鈞
載運良辰遂往瞻彼日月迅過俯仰感今惟昔口存心想借
日如昨忽為嘯曩其五嘯曩伊何逝者彌疎溫溫恭人慎終
如初覽彼遺音恤此窮孤譬彼膠木蔓葛以敷其六妙哉蔓
葛得託膠木葉不雲布率不星燭承伴卞和質非荆璆眷同
尤良用乏驥騄其七承亦既篤眷亦既親飾獎駑獯方駕駿
珍弼諧靡成良謨莫陳無覲孤趙有與五臣其八五臣奚與
奕闕白雁身經險阻足跡幽遐義由恩深分隨昵加綢繆委
心自同匪他其九昔在暇日妙尋通理尤彼意氣狹是節士
情以體生感以情起趣令同憂窮達斯已其十由余片言秦

人是憚日殫效忠飛聲有漢桓桓撫軍古賢作冠來牧幽都
濟厥塗炭其十一塗炭既濟寇挫民阜謬其疲隸授之朝右
上懼任大下欣施厚實祗高明敢忘所守其十二相彼反哺
尚在翔禽孰是人斯而忍斯心每憑山海庶覲高深遐眺存
亡緬成飛沉其十三長徽已纓逝將徒舉收跡西踐銜哀東
顧曷云塗遼曾不咫尺豈不夙夜謂行多露其十四綿綿女
蘿施于松標稟澤洪幹晞陽豐條根淺難固莖弱易彫操彼
纖質承此衝飈其十五纖質寔微衝飈斯值誰謂言精致在
賞意不見得魚亦忘厥餌遺其形骸寄之深識其十六先民
顧意潛山隱几仰熙丹崖俯澡綠水無求於和自附眾美慷
慨遐蹤有愧高台其十七爰造異論肝膽楚越惟同大觀萬

塗一轍。死生既齊，榮辱奚別。處其玄根，廓焉靡結。其十八。福
爲禍始，禍作福階。天地盈虛，寒暑周廻。夫差不祀，慶在勝齊。
句踐作伯，祚自會稽。其十九。逸矣達度，唯道是杖。形有未表，
神無不暢。如川之流，如淵之量。上弘棟隆，下塞民望。其二十。

贈崔淵 五言

盧謏

逍遙步城隅，暇日聊游豫。北眺沙漠垂，南望舊京路。平陸引
長流，岡巒挺茂樹。中原厲迅飈，山阿起雲霧。游子恒悲懷，舉
目增永慕。良儔不獲偕，舒情將焉訴。遠念賢士風，遂存往古
務。朔鄙多俠氣，豈惟地所固。李牧鎮邊城，荒夷懷南懼。趙奢
正疆場，秦人折北慮。羈旅及寬政，委質與時遇。恨以驚寒姿，
徒煩非子御。亦旣弛負擔，忝位宰黔庶。苟云免罪戾，何暇收
民譽。倪寬以殿黜，終乃昆衆賊。何武不赫赫，遺愛常在去。古
人非所希，短弱自有素。何以敷斯辭，惟以二子故。

答魏子愉

盧謏

崇臺非一榦，珍裘非一腋。多士成大業，羣賢濟弘績。遇蒙時
來會，聊齊朝彥跡。顧此腹背羽，愧彼排虛翮。寄身蔭四岳，託
好憑三益。傾蓋雖終朝，大分邁疇昔。在危每同險，處安不異
易。俱涉晉昌艱，共更飛狐厄。恩由契關生，義隨周旋積。豈謂
鄉曲譽，謬充本州役。乖離令，我感悲欣。使情曷理，以精神通
匪日。形骸隔妙詩，申篤好清義。貫幽贖，恨無隨侯珠。以酬荆
文璧。

答靈運

謝瞻

夕霽風氣涼。閑房有餘清。開軒滅華燭。月露皓已盈。獨夜無
物役。寢者亦云寧。忽獲愁霖唱。懷勞奏所誠。歎彼行旅艱。深
茲眷言情。伊余雖寡慰。殷憂楚爲輕。率酬嘉藻長。揖愧吾
生。

於安城答靈運

謝瞻

條繁林彌蔚。波清源逾瀆。華宗託吾秀。之子紹前胤。綢繆結
風微。網緼吐芳訊。鴻漸隨事變。雲臺與年峻。其一華萼相光
飾。嚶鳴悅同響。親親子敦余。賢賢吾爾賞。比景後解輝。方年
一。日長萎葉愛榮條。涸流好河廣。其二殉業謝成操。復禮愧
貧樂。幸會果代耕。符守江南曲。履運傷荏苒。遺塗歎細絕。布
懷存所欽。我勞一何篤。其三肇允雖同規。翻飛各異槩。迢遞

封畿外。窈窕承明內。尋塗塗既曠。即理理已對。絲路有恒悲。
矧迺在吾愛。其四跬行安步。武鍛周敷。豈不識高遠。違
方往。有吝歲寒霜雪嚴。過半路逾峻。量已畏友朋。勇退不敢
進行矣。勵令猷。寫誠酬來訊。其五

西陵遇風獻康樂

謝惠連

我行指孟春。春仲尚未發。趣途遠有期。念離情無歇。成裝候
良辰。漾舟陶嘉月。瞻塗意少悰。還顧情多闕。其哲見感化
別相送。越坳林。飲餞野亭館。分袂澄湖陰。悽悽留子言。眷眷
浮客心。廻塘隱艫楫。遠望絕形音。其靡靡卽長路。戚戚抱
遙悲。悲遙但自弭。路長當語誰。行行道轉遠。去去情彌遲。昨
發浦陽汭。今宿浙江湄。其三屯雲蔽會嶺。驚風涌飛流。零雨

潤墳澤落雪灑林丘。浮氛晦崖巘積素或原疇。曲汜薄停旅
通川絕行舟。其四臨津不得濟。行楫阻風波。蕭條洲渚際。氣
色少諾和。西瞻興遊歎。東睇起悽歌。積憤成疾疴。無萱將如
何。其五

還舊園作見顏范二中書

謝靈運

辭滿豈多秩。謝病不待年。偶與張邴合。久欲還東山。聖靈昔
廻眷。微尚不及宣。何意衝飈激。烈火縱炎煙。焚玉發崑峯。餘
燎遂見遷。投沙理既迫。如叩願亦愆。長與歡愛別。永絕平生
緣。浮舟千仞壑。總轡萬尋顛。流沫不足險。石林豈爲艱。閨中
安可處。日夜念歸旋。事蹟兩如直。心慙二避賢。託身青雲上。
棲巖挹飛泉。盛明盪氛昏。貞休康屯適。殊方成成貸。微物豫
采甄。感深操不固。質弱易板纏。曾是反昔園。語往實款然。曩
基卽先築。故池不更穿。果木有舊行。壤石無遠延。雖非休慙
地。聊取承日閑。衛生自有經。息陰謝所牽。夫子照情素。探懷
授往篇。

登臨海嶠初發疆中作與從弟惠連可見爭何共和之

謝靈運

杳秋尋遠山。山遠行不近。與子別山阿。含酸赴修吟。中流秩
就判。欲去情不忍。顧望胆未愉。汀曲舟已隱。隱汀絕望舟。鷺
棹逐鷺流。欲抑一生歡。并奔千里游。日落當樓薄。繫纜臨江
樓。豈惟夕情斂。憶爾共淹留。昔時歡復增。今日歎茲情。
已分慮。况乃協悲端。秋泉鳴北澗。哀猿響南巒。戚戚新別心。

悽悽久念攢攢念女別心且發青絡陰暝投刻中宿明登天
姥岑高高入雲霓還期那可尋儻遇浮丘公長絕子微音

酬從弟惠連

謝靈運

寢寐謝人徒滅迹入雲峯巖壑寓耳目歡愛隔音容永絕賞
心望長懷莫與同末路值令弟開顏披心膺其一心膺既云
披意得成在斯凌澗尋我室散帙問所知夕慮曉月流朝忌
噫日馳悟對無厭歇聚散成分離其二分離別西川迴景歸
東山別時悲已甚別後情更延傾想遲嘉音果枉濟江篇辛
勤風波事款曲洲渚言其三洲渚旣淹時風波子行遲務協
華京想詎存空谷期猶復惠來章祇足攬余思儻若果歸言
共陶暮春時其四暮春雖未交仲春善遊遨山桃發紅萼野

蕨漸紫苞鳴嚶已悅豫幽居猶鬱陶夢寐竹歸舟釋我吝與
勞其五

贈王太常

顏延之

玉水記方流璇源載圓折善寶每希聲雖秘猶彰徹聆龍際
九淵聞鳳窺丹穴歷聽豈多士雖然觀世哲舒文廣國華敷
言遠朝列德輝灼邦懋芳風被鄉壘側同幽人居郊扉常晝
閉林間時晏開亟廻長者轍庭昏見野陰山明望松雪靜惟
淡羣化徂生入窮節豫往誠歡歇悲來非樂闕屬美謝繁翰
遙懷具短札

夏夜呈從兄散騎車長沙

顏延之

炎天方埃鬱暑晏闕塵紛獨靜闕偶坐臨堂對星分側聽風

薄木遙矚月開雲夜蟬當夏急陰蟲先秋聞歲候初過半
荳豈久芬屏居惻物變慕類抱情殷九逝非空思七襄無成
文

直東宮答鄭尚書

顏延之

皇居體環極設險祗天工兩闌阻通軌對禁限清風歧予旅
東館徒歌屬南牖寢興鬱無已起觀辰漢中流雲藹青闕皓
月鑿丹宮踟躕清防密徒倚恒漏窮君子吐芳訊感物側余
衷惜無丘園秀景行彼高松知言有誠貫美價難克充何以
銘嘉貺言樹絲與桐

和謝監靈運

顏延之

弱植慕端操窘步懼先迷寡立非擇方刻意藉窮棲伊昔邁
多幸秉筆侍兩闈雖慚丹腹施未謂玄素賤徒遭良時談王
道奄昏霾人神幽明絕朋好雲雨乖躬屈汀洲浦謁帝蒼山
蹊倚巖聽緒風攀林結留莢歧予間衡嶠曷月瞻秦裕皇望
昭天德豐澤振沈泥惜無雀雉化何用充海淮去國還故里
幽門樹蓬蒿采茨葺昔宇剪棘開舊畦物謝時旣晏年往志
不偕親仁敷情昵興玩究辭悽芬馥歇蘭若清越奪琳珪盡
言非報章聊用布所懷

答顏延年

王僧達

長卿冠華陽仲連擅海陰珪璋旣文府精理亦道心君子從
高駕塵軌實爲林崇情符遠迹清氣溢素襟結游略年義篤
顧棄浮沈寒榮共偃曝春醞時獻斟華來歲序暄輕雲出東

琴。麥壟多秀色。楊園流好音。歡此乘日暇。忽忘逝景侵。幽衷
何用慰。翰墨久。謠吟。棲鳳難為條。淑貺非所臨。誦以永周旋。
匪以代兼金。

郡內高齋閑坐答呂法曹

謝朓

結構何迢遞。曠望極高深。窻中列遠岫。庭際俯喬林。日出衆
鳥散。山暝孤猿吟。已有池上酌。復此風中琴。非君子無度孰
為勞。寸心惠而能好。我問以瑤華。音若遺金門。步見就玉山
岑。

在郡臥病呈沈尚書

謝朓

淮陽股肱守。高臥猶在茲。况復南山曲。何異幽棲時。連陰盛
農節。簞笠聚東菑。高閣常書掩。荒階少詩辭。珍簟清夏室。輕
扇動涼颺。嘉魴聊可薦。綠蟻方獨持。夏李沉朱實。秋藕折輕
絲。良辰竟何許。夙昔夢佳期。坐嘯徒可積。為邦歲已基。絃歌
終莫取。撫机令自嗤。

暫使下都夜發新林至京邑贈西府同僚

謝朓

大江流日夜。客心悲未央。徒念關山近。終知返路長。秋河曙
耿耿。寒渚夜蒼蒼。引領見京室。宮雉正相望。金波麗鳩玉
繩低。建章驅車鼎門外。思見昭丘陽。馳暉不可接。何况隔兩
鄉。風雲有鳥路。江漢限無梁。常恐鷹隼擊。時菊委嚴霜。寄言
尉羅者。寥廓已高翔。

酬王晉安

謝朓

相梢枝早勁塗塗露晚晞南中榮橘柚寧知鴻鴈飛拂霧朝
青閣日肝坐彤闈悵望一塗阻參差百慮依春草秋更綠公
子未西歸誰能久京洛緇塵染素衣

奉答內兄希叔

陸厥

嘉惠承帝子躡履奉王孫屬叨金馬署又點銅龍門出入平
津邸一見孟嘗尊歸來翳桑柘朝夕異涼溫其一沮落固云
是寂農終如斯杜門清二徑坐檻臨曲池鳧鷖肅儔侶荷芝
始參差雖無田田葉及爾汎連漪其二春華與秋實庶子及
家臣王門所以貴自古多俊民離宮收杞梓華屋富徐陳平
且上林苑日入伊水濱其三書記旣翩翩賦歌能妙絕相如
而溫麗子雲慚筆札駿足思長阪柴車具危轍愧茲山陽讌

空此河陽別其四平原十日飲中散千里遊渤海方淫滯宜
城誰獻酬屏居南山下臨此歲方秋惜哉時不與日暮無輕
舟其五

贈張徐州謨

范雲

田家樵採去薄暮方來歸還聞稚子說有客款柴扉僂從皆
珠玑裘馬悉輕肥軒蓋照墟落傳瑞生光輝疑是徐方牧旣
是復疑非思舊昔言有此道今已微物情棄疵賤何獨顧衡
闈恨不具雞黍得與故人揮懷情徒草草淚下空霏霏寄書
雲間鴈爲我西北飛

古意贈王中書

范雲

攝官青瑣闥遙望鳳皇池誰云相去遠脈脈阻光儀岱山饒

靈異沂水富英奇逸翻陵北海搏飛出南皮遭逢聖明后來
棲桐樹枝竹花何莫莫桐葉何離離可棲復可食此外亦何
爲豈知鷦鷯者一粒有餘貴

贈郭桐廬出谿口見候余既未至郭仍進村維舟久之

郭生方至

任昉

朝發富春渚蓄意忍相思承令行春返冠蓋溢川坻望久方
來萃悲歡不自持滄江路窮此湍嶮方自茲疊嶂易成響重
以夜後悲客心幸自弭中道遇心期親好自斯絕孤游從此
辭

河陽縣作二首

潘岳

微身輕蟬翼弱冠忝嘉招在疚妨賢路再升上宰朝復荷公

叔舉連陪廁七寮長嘯歸東山擁耒耨時苗幽谷茂繼葛峻
巖敷榮條落英隕林趾飛莖秀陵喬卑高亦何常升降在一
朝徒恨良時泰小人道遂消譬如野田蓬幹流隨風飄昔倦
都邑遊今掌河朔偃登城眷南顧凱風揚微納洪流何浩蕩
修芒鬱岩堯誰謂晉京遠室邇身實遠誰謂邑宰輕令名患
不劭人生天地間百年孰能要歎如敲石火譬若截道斲齊
都無遺聲桐鄉有餘謠福謙在純約害盈由於驕雖無君人
德視民庶不逃日夕陰雲起登城望洪河川氣冒山嶺鷺滯
激巖阿歸鴈映蘭時游魚動圓波鳴蟬厲寒音時菊耀秋華
引領望京室南路在伐柯大厦細無覿崇芒鬱嗟峨摠摠都
邑人擾擾俗化訛依水類浮萍寄松似懸蘿朱博糾舒慢楚

風被琅邪曲。蓬何直。託身依叢麻。黔黎竟何常。政成在民和。位同單父邑。愧無子賤歌。豈敢陋微官。但恐忝所荷。

在懷縣作二首

潘岳

南陸迎修景。朱明送末垂。初伏啓新節。隆暑方赫羲。朝想慶雲興。夕運白日移。揮汗辭中宇。登城臨清池。涼飈自遠集。輕襟隨風吹。靈圃耀華果。通衢列高椅。瓜爬蔓長苞。薑芋紛廣畦。稻栽肅作什。黍苗何離離。虛薄乏時用。位微名日卑。驅役宰兩邑。政績竟無施。自我違京輦。四載迄于斯。器非廊廟姿。屢出固其宜。徒懷越鳥志。眷戀想南枝。

春秋代遷逝。四運紛可喜。寵辱易不驚。戀本難爲思。我來冰未泮。時暑忽隆熾。感此還期淹。歎彼年往駛。登城望郊甸。游目歷朝寺。小國寡民務。終日寂無事。白水過庭激。綠槐夾門植。信美非吾土。祇攬懷歸志。眷然顧鞏洛。山川邈離異。願言旋舊鄉。畏此簡書忌。祇奉社稷守。恪居處職司。

迎大駕

潘尼

南山鬱岑崱。洛川迅且急。青松蔭修嶺。綠蘂被廣隰。朝日順長塗。夕暮無所集。歸雲乘噫浮。淩風尋帷入。道逢深識。舉手對吾指。世故尚未夷。峭函方峻澁。孤狸夾兩轅。豺狼當路立。翔鳳嬰籠檻。騏驥見維繫。俎豆昔常聞。軍旅素未習。且少停君駕。徐待干戈戢。

赴洛詩二首

陸機

希世無高符。營道無烈心。靖端肅有命。假檝越江潭。親友贈

子邁揮淚廣川陰。撫膺解攜手。永歎結遺音。無迹有所匿。寂
漠聲必沈。肆目眇不及。緬然若雙潛。南望泣玄渚。北邁涉長
林。谷風拂修薄。油雲翳高岑。臺臺孤獸鳴。嚶嚶思鳥吟。感物
戀堂室。離思一何深。佇立愴我歎。寤寐寐涕盈。矜惜無懷歸。志
辛苦誰爲心。

羈旅遠游宦。託身承華側。撫劍遵銅鞮。振纓盡祗肅。歲月一
何易。寒暑忽已革。載離多悲心。感物情悽惻。慷慨遺安愈。永
歎廢餐食。思樂樂難誘。曰歸歸未克。憂苦欲何爲。纏綿胥與
臆。仰瞻陵霄鳥。羨爾歸飛翼。

赴洛道中作二首

陸機

總轡登長路。嗚咽辭密親。借問子何之。世網嬰我身。永好
北渚遺思結。南津行行遂已遠。野途曠無人。山澤紛紆餘林
薄。杳眇眠虎嘯。深谷底雞鳴。高樹巖哀風。中夜流孤獸。更我
前悲情。觸物感沈思。纏綿佇立望。故鄉顧影懷自憐。
遠遊越山川。山川脩且廣。振策陟崇丘。安轡遵平莽。夕息抱
影寐。朝徂銜思往。頓轡倚高巖。側聽悲風響。清露墜素輝。明
月一何朗。撫枕不能寐。振衣獨長想。

吳王郎中時從梁陳作

陸機

在昔蒙嘉運。矯迹入崇賢。假翼鳴鳳條。濯足升龍淵。玄冕無
醜士。冶服使我妍。輕劍拂餐鷹。長纒麗且鮮。誰謂伏事淺。契
闊踰三年。薄言肅後命。改服就藩臣。夙駕尋清軌。遠遊越深
陳。感物多遠念。慷慨懷古人。

始作鎮軍參軍經曲阿作

陶潛

弱齡寄事外委懷在琴書被褐欣自得屢空常晏如時來莅
宜會宛轡憇通衢投策命晨旅暫與園田疎眇眇孤舟逝綿
綿歸思紆我行豈不遙登降千里餘目倦修塗異心念山澤
居望雲慚高鳥臨水愧游魚真想初在襟誰謂形迹拘聊且
憑化遷終反班生廬

辛丑歲七月赴假還江陵夜行塗口作

陶潛

閑居三十載遂與塵事冥詩書敦宿好林園無俗情如何舍
此去遙遙至西荆叩棧親月船臨流別友生涼風起將夕夜
景湛虛明昭昭天宇闊晶晶川上平懷役不遑寐中宵尚孤
征商歌非吾事依依在耨耕投冠旋舊墟不為好爵榮養真
衡茅下庶以善自名

永初三年七月十六日之郡初發都

謝靈運

迷職期闕暑理棹變金素秋岸澄夕陰火曼團朝露辛苦誰
為情遊子值頽暮愛似莊念昔久敬曾存故如何懷土心持
此謝遠度李牧愧長袖卻克慚躡步良時不見遺醜狀不成
惡日余亦支離依方早有慕生幸休明世親蒙英達顧空班
趙氏璧徒乖魏王瓠從來漸二紀始得傍歸路將窮山海迹
永絕賞心晤

過始寧墅

謝靈運

束髮懷耿介逐物遂推遷遠志似如昨二紀及茲年緇磷謝

清曠疲繭慚貞堅拙疾相倚薄還得靜者便剖竹守滄海枉
帆過舊山山行窮登頓水涉盡河汾巖峭嶺稠疊洲繁渚連
綿白雲抱幽石綠篠媚清漣尊宇臨廻江築觀基曾巖揮手
告鄉曲三載期歸旋且爲樹枌檟無令孤願言

富春渚

謝靈運

宵濟漁浦潭且及富春郭定山緬雲霧赤亭無淹薄溯流觸
驚急臨圻阻參錯亮乏伯昏分險過呂梁壑存至宜便習兼
山貴止託平生協幽期淪躓因微弱久露干祿請始果遠遊
諾宿心慚申寫萬事俱零落懷抱既昭曠外物徒龍蠖

七里瀨

謝靈運

羈心積秋晨晨積展遊眺孤客傷逝湍徒旅苦奔峭石淺水
潺湲日落山照曜荒林紛沃若哀禽相叫嘯遭物悼遷斥在
期得要妙既秉上皇心豈屑末代諠日覩嚴子瀨想屬任公
釣誰謂古今殊異代可同調

登江中孤嶼

謝靈運

江南倦歷覽江北曠周旋懷雜道轉迥尋異景不延亂流趨
正絕孤嶼媚中川雲日相輝映空水共澄鮮表靈物莫賞縑
真誰爲傳想像崑山姿緬邈區中緣始信安期術得盡養生
年

初去郡

謝靈運

彭薛裁知恥貢公未遺榮或可優貪競豈足稱達生伊予秉
微尚拙訥謝浮名廬園當棲巖卑位代躬耕顧已雖自許心

迹猶未并無庸効周任有疾像長卿畢娶類尚子薄游似陶
生恭承古人意促裝返柴荆牽絲及元興解龜在景平負心
二十載於今廢將迎理棹還期遵渚驚修坻迴谿終水涉
登嶺始山行野曠沙岸淨天高秋月明憩石挹飛泉攀林蹇
落英戰勝臞者肥止鑿流歸停卽是義唐化獲我擊壤聲

初發石首城

謝靈運

白珪尚可磨斯言易爲緇雖抱中孚爻猶勞貝錦詩寸心若
不亮微命察如絲日月垂光景成貸遂兼茲出宿薄京畿晨
裝搏曾颺重經平生別再與朋知辭故山日已遠風波豈還
時迢迢萬里帆茫茫終何之游當羅浮行息必廬霍期越海
陵三山游相歷九嶷欽聖若且暮懷賢亦悽其皎皎明發心
不爲歲寒欺

道路憶山中

謝靈運

采菱調易急江南歌不緩楚人心昔絕越客腸今斷斷絕雖
殊念俱爲歸慮款存鄉爾思積憶山我憤懣追尋悽息時偃
臥任縱誕得性非外求自己爲誰纂不怨秋夕長恒苦夏日
短濯流激浮湍息陰倚密竿懷故丘新歡含悲忘春暝悽悽
明月吹惻惻廣陵散殷勤訴危柱慷慨命促管

入彭蠡湖口作

謝靈運

客游倦水宿風潮難具論洲島驟迴合圻岸屢崩奔乘月聽
哀猿滄露馥芳蓀春晚綠野秀巖高白雲屯千念集日夜萬
感盈朝昏攀崖照石鏡牽葉入松門三江事多往九派理空

存靈物。公珍怪異人。秘精魂。金膏滅明光。水碧綴流溫。徒作
千里曲。絃絕念彌敦。

入華子岡是麻源第三谷

謝靈運

南州實炎德。桂樹陵寒山。銅陵映碧澗。石磴瀉紅泉。旣枉爲
淪客。亦棲肥遁賢。險徑無測度。天路非術阡。遂登羣峯首。邈
若升雲煙。羽人絕髮髯。丹丘徒空筌。圖牒復磨滅。碑版誰聞
傳。莫辨百世後。安知千載前。且申獨往意。乘月弄潺湲。恒充
俄頃用。豈爲古今然。

北使洛

顏延之

改服飭徒旅。首路踰險巖。振楫發吳洲。秣馬陵楚山。塗出梁
宋郊。道出周鄭間。前登陽城路。日夕望三川。在昔輟期運。經
始闢聖賢。伊瀆絕津濟。臺館無尺椽。宮陛多巢穴。城闕生
雲煙。王猷升八表。嗟行方暮年。陰風振涼野。飛雲翳窮天。
臨塗未及引。置酒慘無言。隱閔徒御悲。威遲良馬煩。遊役
去芳時。歸來屢徂。曾蓬心旣已矣。飛薄殊亦然。

還至梁城作

顏延之

眇默軌路長。憔悴征戍勤。昔邁先祖師。今來後歸軍。振策瞻
東路。傾側不及羣。息徒顧將夕。極望梁陳分。故國多喬木。空
城凝寒雲。丘隴填郭郭。銘誌滅無文。木石肩幽闕。黍苗延高
墳。惟彼雍門子。吁嗟孟嘗君。愚賤同湮滅。尊貴誰獨聞。曷爲
久游客。憂念坐自殷。

始安郡還都與張湘州登巴陵城樓作

江漢分楚望，衡巫奠南服。三湘淪洞庭，七澤藹荆牧。經塗延舊軌，登關訪川陸。水國周地險，河山信重複。却倚雲夢林，前瞻京臺囿。清氛霽岳陽，曾暉薄瀾澳。悽矣自遠風，傷哉千里目。萬古陳往還，百代勞起伏。存沒竟何人，炯介在明淑。請從上世人，歸來藝桑竹。

顏延之

還都道中作

鮑昭

昨夜宿南陵，今日入蘆洲。客行惜日月，崩波不可留。侵星赴早路，畢景逐前儔。鱗鱗夕雲起，獵獵晚風遒。騰沙鬱黃霧，翻浪揚白鷗。登廬眺淮甸，掩泣望荆流。絕目盡平原，時見遠煙浮。倏悲坐還合，俄思甚兼秋。未嘗違戶庭，安能千里游。誰令乏古節，貽此越鄉憂。

之宣城出新林浦向版橋

謝朓

江路西南永，歸流東北鶩。天際識歸舟，雲中辨江樹。旅思倦搖搖，孤游昔已屢。既懽懷祿情，復協滄洲趣。踟躕自茲隔，賞心於此遇。雖無玄豹姿，終隱南山霧。

敬亭山

謝朓

茲山亘百里，合沓與雲齊。隱淪既已託，靈異居然棲。上干蔽白日，下屬帶迴谿。谿交藤荒且蔓，樛枝聳復低。獨鶴方朝唳，孤鷹此夜啼。淙雲已漫漫，多雨亦凄凄。我行雖紆組，兼得尋幽蹊。緣源殊未極，歸徑窅如迷。要欲追奇趣，卽此陵丹梯。皇恩竟已矣，茲理庶無睽。

休沐重還道中

謝朓

薄游第從告。思閑願罷歸。還可歌賦似。休汝車騎非。瀟池不可別。伊川難重逢。汀葭稍靡靡。江菼復依依。田鶴遠相叫。沙鷗忽爭飛。雲端楚山見。林表吳岫微。試與征徒望。鄉淚盡霑衣。賴此盈樽酌。含景望芳菲。問我勞何事。霑沐仰清微。志狹輕軒冕。恩甚戀重闈。歲華春有酒。初服偃郊扉。

晚登三山還望京邑

謝朓

灞浹望長安。河陽視京縣。白日麗飛甍。參差皆可見。餘霞散成綺。澄江靜如練。喧鳥覆春洲。雜英滿芳甸。去矣方滯淫。懷哉罷歡宴。佳期悵何許。淚下如流霰。有情知望鄉。誰能翼不

京路夜發

謝朓

擾擾整夜裝。蕭蕭戒徂兩。曉星正寥落。晨光復泱泱。猶霑餘露團。稍見朝霞上。故鄉邈已覓。山川修且廣。文奏方盈前。懷入去心賞。勅躬每踟躕。瞻恩唯震蕩。行矣倦路長。無由稅歸鞅。

望荆山

江淹

奉義至江漢。始知楚塞長。南關繞桐柏。西岳出魯陽。寒郊無留影。秋日懸清光。悲風撓重林。雲霞肅川漲。歲晏君如何。零淚霑衣裳。玉柱空掩露。金樽坐含霜。聞苦寒。奏再使豔歌傷。

旦發漁浦潭

丘遲

漁潭霧未開，赤亭風已颺。權歌發中流，鳴鞀響杏障。村童忽
相聚，野老時一望。詭怪石異象，嶄絕峯殊狀。森森荒樹折，
析寒沙漲。藤垂鳥易陟，崖傾嶼難傍。信是永幽棲，豈徒暫清
曠。坐嘯昔有委，臥治今可尚。

早發定山

沈約

夙齡愛遠壑，晚洫見奇山。標峯綵虹外，置嶺白雲間。傾壁忽
斜豎，絕頂復孤圓。歸海流漫漫，出浦水濺濺。野棠開未落，山
櫻發欲然。忘歸屬蘭杜，懷祿寄芳荃。眷言採二秀，徘徊望九
仙。

新安江水至清淺深見底貽京邑游娃

沈約

眷言訪舟客，茲川信可珍。洞澈隨深淺，皎鏡無冬春。千仞寫
喬樹，百丈見游鱗。滄浪有時濁，清濟涸無津。豈若乘斯去，俯
映石磷磷。紛吾隔鸞渚，寧假濯衣巾。願以潺湲水，霑君纓上
塵。

從軍詩五首

王粲

從軍有苦樂，但問所從誰。所從神且武，焉得久勞師。相公征
關右，赫怒震天威。一舉滅獯虜，再舉服羌夷。西收邊地賊，忽
若俯拾遺。陳賞越丘山，酒肉踰川坻。軍中多飢饉，人馬皆溢
肥。徒行兼乘還，空出有餘資。拓地三千里，往返速若飛。歌舞
入鄴城，所願獲無違。晝日處大朝，日暮薄言歸。外參時明政，
內不廢家私。禽獸憚為犧，良苗實已揮。竊慕負鼎翁，願厲朽

鈍姿不能效沮溺相隨把鋤犁熟覽夫子詩信知所言非涼
風厲秋節司典告詳刑我君順時發桓桓東南征汎舟益長
川陳卒被隰垆征夫懷親戚誰能無戀情拊衿倚舟檣眷眷
思鄴城哀彼東山人喟然感鶴鳴日月不安處人誰獲恒寧
昔人從公且一徂輒三齡今我神武師暫往必速平棄余親
睦恩輸力竭忠貞懼無一夫用報我素餐誠夙夜自忻性思
逝若抽縈將秉先登羽豈敢聽金聲

從軍征遐路討彼東南夷方舟順廣川薄暮未安坻白日半
西山桑梓有餘暉蟋蟀夾岸鳴孤鳥翩翩飛征夫心多懷悽
愴令吾悲下船登高防草露濡我衣廻身赴床寢此愁當告
誰身服干戈事豈得念所私卽我有授命茲理不可違

朝發鄴都橋暮濟白馬津逍遙河隄上左右望我軍連舫踰
萬艘帶甲千萬人率彼東南路將定一舉勲籌策運帷幄
由我聖君恨我無時謀譬諸具官臣鞠躬中堅內微畫無所
陳許歷爲完士一言猶敗秦我有素餐責誠愧伐檀人雖無
鈇刀用庶幾奮薄身悠悠涉荒路靡靡我心愁四望無煙火
但見林與丘城郭生榛棘蹊徑無所由菴蒲竟廣澤葭葦夾
長流日夕涼風發翩翩漂吾舟寒蟬在樹鳴鶴鳴摩天游客
子多悲傷淚下不可收朝入譙郡界曠然消人憂雞鳴達四
境黍稷盈原疇館宅充鄠里士女滿莊廬自非賢聖國誰能
享斯休詩人美樂土雖客猶願留

宋郊祀歌二首 四言

顏延之

寅威寶命嚴恭帝祖炳海表岱系唐崑楚靈監睿文民屬睿
武奄受敷錫宅中拓宇巨地稱皇罄天作主月竈來賓日際
奉土開元首正禮交樂舉六典聯事九官列序有牲在滌有
潔在俎以薦王衷以答神祐維聖饗帝維孝饗親皇乎備矣
有事上春禮行宗祀敬逢郊禋金枝中樹廣樂四陳陟配在
京降德在民奔精昭夜高燎煬晨陰明淨爍沈祭深淪告成
大報受釐元神月御案節星驅扶輪遙輿遠駕曜曜振振

樂府四首 五言 古辭

飲馬長城窟行

青青河畔草絲絲思遠道遠道不可思夙昔夢見之夢見在
我傍忽覺在他鄉他鄉各異縣展轉不可見枯桑知天風海

水知天寒入門各自媚誰肯相爲言客從遠方來遺我雙鯉
魚呼童烹鯉魚中有尺素書長跪讀素書書中竟何如上有
加餐食下有長相憶

君子行

平調

君子防未然不處嫌疑間瓜田不納履李下不整冠嫂叔不
親授長幼不比肩勞謙得其柄和光甚獨難周公下白屋吐
哺不及餐一沐三握髮後世稱聖賢

傷歌行

側調

昭昭素明月暉光燭我牀憂人不能寐耿耿夜何長微風吹
闐闐羅幃自飄颺攬衣曳長帶屣屣下高堂東西安所之徘徊
以彷徨春鳥翻南飛翩翩獨翱翔悲聲命儔匹哀鳴傷我

腸感物懷所思泣涕忽霑裳佇立吐高吟舒憤訴穹蒼

長歌行

平調古辭

青青園中葵朝露待日晞陽春布德澤萬物生光輝常恐秋節至焜黃華葉衰百川東到海何時復西歸少壯不努力老大徒傷悲

怨歌行

班婕妤

新裂齊紈素鮮潔如霜雪裁成合歡扇團團似明月出入君懷袖動搖微風發常恐秋節至涼飈奪炎熱棄捐篋笥中恩情中道絕

樂府二首

短歌行 四言

魏武帝

對酒當歌人生幾何譬如朝露去日苦多慨當以慷憂思難忘何以解憂唯有杜康青青子衿悠悠我心但為君故沈吟至今呦呦鹿鳴食野之苹我有嘉賓鼓瑟吹笙明明如月何時可掇憂從中來不可斷絕越陌度阡枉用相存契闊談讌心念舊恩月明星希烏鵲南飛繞樹三匝何枝可依山不厭高海不厭深周公吐哺天下歸心

苦寒行 五言

魏武帝

北上太行山艱哉何巍巍羊腸阪詰屈車輪為之摧樹木何蕭索北風聲正悲熊羆對我蹲虎豹夾路啼谿谷少人民雪落何霏霏延頸長歎息遠行多所懷我心何怫鬱思欲一東歸水深橋梁絕中道正徘徊迷惑失故路薄暮無宿棲行行

日已遠人馬同時饑擔囊行取薪斧冰持作糜悲彼東山詩
悠悠使我哀

樂府二首

善哉行 四言

魏文帝

上山采薇薄暮苦飢谿谷多風霜露沾衣野雉羣雌猴猿相
追還望故鄉鬱何壘壘高山有崖林木有枝憂來無方人莫
之知人生如寄多憂何為今我不樂日月如馳湯湯川流中
有行舟隨波轉薄有似客遊策我良馬被我輕裘載馳載驅
聊以忘憂

燕歌行 七言

魏文帝

秋風蕭瑟天氣涼草木搖落露為霜羣鸞辭歸鴈南翔念君
客遊思斷腸慊慊思歸戀故鄉何為淹留寄他方賤妾笑焚
守空房憂來思君不敢忘不覺淚下霑衣裳援琴鳴絃發清
商短歌微吟不能長明月皎皎照我牀星漢西流夜未央牽
牛織女遙相望爾獨何辜恨河梁

樂府詩四首

箜篌引 五言

曹植

置酒高殿上親友從我游中厨辦豐膳烹羊宰肥牛秦箏何
慷慨齊瑟和且柔陽阿奏奇舞京洛出名謳樂飲過三爵緩
帶傾庶羞主稱千金壽賓奉萬年酬久要不可忘薄終義所
尤謙謙君子德馨折欲何求驚風飄白日光景馳西流盛時
不可再百年忽我適生在華屋處零落歸山丘先民誰不死

知命復何憂

名都篇

曹植

名都多妖女。京洛出少年。寶劍直千金。被服麗且鮮。關雞東
郊道。走馬長楸間。馳騁未能半。雙兔過我前。攬弓捷鳴鏑。長
驅上南山。左挽因右發。一縱兩禽連。餘巧未及展。仰手接飛
鸞。觀者咸稱善。衆工歸我妍。歸來宴平樂。美酒斗十千。膾鯉
騰胎鰕。炮鼈炙熊蹯。鳴儔嘯匹侶。列坐竟長筵。連翩擊鞠壤。
巧捷惟萬端。白日西南馳。光景不可攀。雲散還城邑。清晨復
來還。

美女篇

曹植

美女妖且閑。采桑岐路間。柔條紛冉冉。葉落何翩翩。攘袖見
素手。皓腕約金環。頭上金爵釵。腰佩翠琅玕。明珠交玉體。珊
瑚間木難。羅衣何飄颻。輕裾隨風還。顧盼遺光彩。長嘯氣若
蘭。行徒用息駕。休者以忘餐。借問女安居。乃在城南端。青樓
臨大路。高門結重關。容華耀朝日。誰不希令顏。媒氏何所營。
玉帛不時安。佳人慕高義。求賢良獨難。衆人徒嗷嗷。安知彼
所歡。盛年處房室。中夜起長歎。

白馬篇

曹植

白馬飾金羈。連翩西北馳。借問誰家子。幽并遊俠兒。少小去
鄉邑。揚聲沙漠垂。宿昔秉良弓。楛矢何參差。控弦破左的。右
發摧月支。仰手接飛猱。俯身散馬蹄。狡捷過猴猿。勇剽若豹
螭。邊城多警急。虜騎數遷移。羽檄從北來。厲馬登高隄。長驅

蹈匈奴左顧陵鮮卑棄身鋒刃端性命安可懷父母且不顧
何言子與妻名編壯士籍不得中顧私捐軀赴國難視死忽
如歸

王明君辭

并序

石崇

王明君者本是王昭君以觸文帝諱改之匈奴盛請婚於漢
元帝以後宮良家子昭君配焉昔公主嫁烏孫令琵琶馬上
作樂以慰其道路之思其送明君亦必爾也其造新之曲多
哀怨之聲故叙之於紙云爾

我本漢家子將適單于庭辭訣未及終前驅已抗旌僕御涕
流離轅馬悲且鳴哀鬱傷五內泣淚霑珠纓行行日已遠遂
造匈奴城延我於穹廬加我闕氏名殊類非所安雖貴非所
榮父子見陵辱對之慚且驚殺身良不易默默以苟生苟生
亦何聊積思常憤盈願假飛鴻翼乘之以遐征飛鴻不我顧
佇立以屏營昔爲匣中玉今爲糞上英朝華不足歡甘與秋
草并傳語後世人遠嫁難爲情

樂府詩十七首

猛虎行 雜言

陸機

渴不飲盜泉水熱不息惡木陰惡木豈無枝志士多苦心整
駕肅時命杖策將遠尋饑食猛虎窟寒棲野雀林日歸功未
建時往歲載陰崇雲臨岸駭鳴條隨風吟靜言幽谷底長嘯
高山岑急絃無懦響亮節難爲音人生誠未易曷云開此衿
眷我耿介懷俯仰愧古今

君子行

陸機

天道夷且簡，人道險而難。休咎相乘躡，翻覆若波瀾。去疾苦不遠，疑似實生患。近火固宜熱，履冰豈惡寒。掇蜂滅天道，拾塵惑孔顏。逐臣尚何有，棄友焉足歎。福鍾恒有兆，禍集非無端。天損未易辭，人益猶可懼。朗鑒豈遠假，取之在傾冠。近情苦自信，君子防未然。

從軍行

陸機

苦哉遠征人，飄飄窮四遐。南陟五嶺巔，北戍長城阿。深谷邈無底，崇山鬱嵯峨。奮臂攀喬木，振迹涉流沙。隆暑固已慘，涼風嚴且苛。夏條焦解藻，寒冰結衝波。胡馬如雲屯，越旗亦星羅。飛鋒無絕影，鳴鏑自相和。朝餐不免胄，夕息常負戈。苦哉遠征人，撫心悲如何。

豫章行

陸機

汎舟清山渚，遙望高山陰。川陸殊途軌，懿親將遠尋。三荆歡同株，四鳥悲異林。樂會良自古，悼別豈獨今。寄世將幾何，日月無停陰。前路既已多，後塗隨年侵。促促薄暮景，亶亶解克禁。曷爲復以茲，曾是懷苦心。遠節嬰物淺，近情能不深。行矣保嘉福，景絕繼以音。

苦寒行

陸機

北游幽朔，城涼野多。嶮難俯入，穹谷底仰。陟高山，盤凝冰結。重澗積雪被，長巒陰雲興。巖側悲風鳴，樹端不覩白日景。但聞寒鳥喧，猛虎憑林嘯。玄猿臨岸歎，夕宿喬木下。慘愴恒鮮。

歡。渴飲堅冰漿。飢待零露餐。離思固已久。寤寐莫與言。劇哉行役人。慊慊恒苦寒。

飲馬長城窟行

陸機

驅馬陟陰山。山高馬不前往。問陰山候勁虜。在燕然。戎車無停軌。旌旆屢徂遷。仰憑積雪巖。俯涉堅冰川。冬來秋未反。去家邈以懸。狡狴亮未夷。征人豈徒旋。末德爭先鳴。凶器無兩全。師克薄賞行。軍沒微軀捐。將遵甘陳迹。收功畢于旃。振旅勞歸士。受爵豪街傳。

門有車馬客行

陸機

門有車馬客。駕言發故鄉。念君久不歸。濡跡涉江湘。投袂赴門塗。攬衣不及裳。撫膺携客泣。掩淚叙溫涼。借問邦族間。惻愴論存亡。親友多零落。舊齒皆凋喪。市朝互遷易。城闕或丘荒。墳壠日月多。松柏鬱芒芒。天道信崇替。人生安得長。慷慨惟平生。俛仰獨悲傷。

君子有所思行

陸機

命駕登北山。延佇望城郭。屢里一何盛。街巷紛漠漠。甲第崇高闈。洞房結阿閣。曲池何湛湛。清川帶華薄。邃宇列綺窻。蘭室接羅幕。淑貌色斯升。哀音承顏作。人生誠行邁。容華隨年落。善哉膏粱士。營生奧且博。宴安消靈根。酖毒不可恪。無以肉食資。取笑葵與藿。

齊謳行

陸機

營丘負海曲。沃野爽且平。洪川控河濟。崇山入高冥。東被姑

尤側南界聊攝城海物錯萬類陸產尚千名孟諸吞楚夢百
二侔秦京惟師恢東表桓后定周傾天道有迭代人道無久
盈鄙哉牛山歎未及至人情爽鳩苟已徂吾子安得停行行
將復去長存非所營

日出東南隅行

或曰羅敷豔歌

陸機

扶桑升朝暉照此高臺端高臺多妖麗濬房出清顏淑貌耀
皎日惠心清且閑美日揚玉澤蛾眉象翠翰解膚一何潤秀
色若可餐窈窕多容儀婉媚巧笑言暮春春服成粲粲綺與
純金雀垂藻翹瓊珮結瑤璠方駕揚清塵濯足洛水瀾藹藹
風雲會佳人一何繁南崖充羅幕北渚盈軒軒清川含藻景
高岸被翠丹馥馥芳袖揮泠泠纖指彈悲歌吐清響雅舞播
幽蘭片脣含九秋妍迹陵七盤赴曲迅驚鴻蹈節如集鸞綺
態隨顏變沈姿無乏源俯仰紛阿那顧步咸可權遺芳結飛
颺浮景映清湍冶容不足詠春游良可歎

長安有狹邪行

陸機

伊洛有岐路岐路交朱輪輕蓋承華景騰步躡飛塵鳴玉豈
樸儒憑軾皆俊民烈心厲勁秋麗服鮮芳春余本倦游客豪
彥多舊親傾蓋承芳訊欲鳴當及晨守一不足矜岐路良可
遵規行無曠迹矩步豈逮人投足緒已爾四時不必循將遂
殊塗軌要子同歸津

前緩聲歌

陸機

游仙聚靈族。高會曾城阿。長風萬里舉。慶雲鬱嵯峨。處如興
洛浦。王韓起太華。北徵瑤臺女。南夢湘川娥。蕭蕭霄駕動。翩
翩翠蓋羅。羽旗棲瓊鑿。玉衡吐鳴和。天容揮高絃。洪崖發清
歌。獻酬既已周。輕舉乘紫霞。總轡扶桑枝。濯足湯谷波。清輝
溢天門。垂慶惠皇家。

長歌行

陸機

逝矣經天日。悲哉帶地川。寸陰無停晷。尺波豈徒旋。年往迅
勁矢。時來亮急弦。遠期鮮克及。盈數固希全。容華夙夜零。體
澤坐自捐。茲物苟難停。吾壽安得延。俛仰逝將過。倏忽幾何
間。慷慨亦焉訴。天道良自然。但恨功名薄。竹帛無所宣。逮及
歲未暮。長歌承我閑。

吳趨行

陸機

楚妃且勿歎。齊娥且莫謳。四坐並清聽。聽我歌吳趨。吳趨自
有始。請從昌門起。昌門何峨峨。飛閣跨通波。重巖承游極。回
軒啓曲阿。藹藹慶雲被。泠泠祥風過。山澤多藏育。土風清且
嘉。泰伯導仁風。仲雍揚其波。穆穆延陵子。灼灼光諸華。王迹
頽陽九。帝功興四遐。大皇自富春。矯手頓世羅。邦彥應運興。
粲若春林葩。屬城咸有士。吳邑最爲多。八族未足侈。四姓實
名家。文德熙淳懿。武功侔山河。禮讓何濟濟。流化自滂沱。淑
美難窮紀。商摧爲此歌。

塘上行

陸機

江籬生幽渚。微芳不足宣。被蒙風雲會。移居華池邊。發藻玉

臺下垂影滄浪泉沾潤既已渥結根與且堅四節逝不處萃
繁難久鮮淑氣與時隕餘芳隨風捐大道有遷易人理無常
全男懼智傾愚女愛衰避妍不惜微軀退但懼蒼蠅前願君
廣末光照妾薄暮年

悲哉行

陸機

游客芳春林春芳傷客心和風飛清響鮮雲垂薄陰蕙草饒
淑氣時鳥多好音翩翩鳴鳩羽喈喈倉庚吟幽蘭盈通谷長
秀被高岑女蘿亦有託蔓葛亦有尋傷哉客游士憂思一何
深目感隨氣草耳悲詠時禽寤寐多遠念緬然若飛沈願託
歸風響寄言遺所欽

短歌行 四言

陸機

置酒高堂悲歌臨觴人壽幾何逝如朝霜時無重至華不再
陽蘋以春暉蘭以秋芳來日苦短去日苦長今我不樂蟋蟀
在房樂以會興悲以別章豈日無感憂爲子忘我酒旣旨我
殺旣臧短歌有詠長夜無荒

樂府詩

會吟行 五言

謝靈運

六引緩清唱三調佇繁音列筵皆靜寂咸共聆會吟會吟自
有初請從文命敷敷積壺冀始刊木至江汜列宿炳天文負
海橫地理連峯競千仞背流各百里漉池漑粳稻輕雲暖松
杞兩京愧佳麗三都豈能似層臺指中天高壙積崇雉飛燕
躍廣途鷓首戲清泚肆呈窈窕容路曜便娟子自來彌年代

賢達不可紀，句踐善廢興。越叟識行止，范蠡出江湖。梅福入
城市，東方就旅逆。梁鴻去桑梓，牽綬書土風。辭殫意未已。

樂府詩八首

東武吟

鮑昭

主人且勿誼，賤子歌一言。僕本寒鄉士，出身蒙漢恩。始隨張
校尉，占募到河源。後逐李輕車，追虜窮塞垣。密塗且萬里，寧
歲猶七奔。肌力盡鞍甲，心思歷涼溫。將軍既下世，部曲亦罕
存。時事一朝異，孤積誰復論。少壯辭家去，窮老還入門。腰鎌
刈葵藿，倚杖牧雞豚。昔如韝上鷹，今似檻中猿。徒結千載恨，
空負百年怨。棄席思君幄，疲馬戀君軒。願垂晉主惠，不愧田
子魂。

山自薊北門行

鮑昭

羽檄起邊亭，烽火入咸陽。徵騎屯廣武，分兵救朔方。嚴秋筋
竿勁，虜陣精且彊。天子按劍怒，使者遙相望。鴈行緣石徑，魚
貫度飛梁。簫鼓流漢思，旌甲被胡霜。疾風衝塞起，沙礫自飄
揚。馬毛縮如蝟，角弓不可張。時危見臣節，世亂識忠良。投軀
報明主，身死爲國殤。

結客少年場行

鮑昭

聽馬金絡頭，錦帶佩吳鉤。失意杯酒間，白刃起相讐。追兵一
且至，負劍遠行遊。去鄉三十載，復得還舊丘。升高臨四關，表
裏望皇州。九塗平若水，雙闕似雲浮。扶宮羅將相，夾道列王
侯。日中市朝滿，車馬若川流。擊鐘陳鼎食，方駕自相求。今我

獨何爲。培塿懷百憂。

東門行

鮑昭

傷會惡。茲驚倦客惡。離聲斷。客情賓御皆涕零。涕零心
斷絕。將去復還訣。一息不相知。何況異鄉別。遙遙征駕遠。杳
杳落日晚。居人掩閨臥。行子夜中飯。野風吹秋木。行子心腸
斷。食梅常苦酸。衣葛常苦寒。絲竹徒滿坐。憂人不解顏。長歌
欲自慰。彌起長恨端。

苦熱行

鮑昭

赤阪橫西阻。火山赫南威。身熱頭且痛。鳥墮魂來歸。湯泉發
雲潭。焦煙起石圻。日月有恒昏。雨露未常晞。丹蛇踰百尺。玄
蜂盈十圍。含沙射流影。吹蠱痛行暉。瘴氣晝薰體。茵露夜沾
衣。飢猿莫下食。晨禽不敢飛。毒涇尚多死。渡瀘寧具肥。生軀
蹈死地。昌志登禍機。戈船榮既薄。伏波賞亦微。爵輕君尚惜。
士重安可希。

白頭吟

鮑昭

直如朱絲繩。清如玉壺冰。何慚宿昔意。猜恨坐相仍。人情賤
恩舊。世議逐衰興。毫髮一爲瑕。丘山不可勝。食苗實碩鼠。玷
白信蒼蠅。鳧鵠遠成美。薪芻前見陵。申黜褒女進。班去趙姬
昇。周王日淪惑。漢帝益嗟稱。心賞猶難恃。貌恭豈易憑。古來
共如此。非君獨撫膺。

放歌行

鮑昭

蓼蟲避葵董。習苦不言非。小人自離離。安知曠土懷。雞鳴洛

城裏禁門平且開。冠蓋縱橫至車騎。四方來素帶。曳長綬。華
纓結遠埃。日中安能止。鐘鳴猶未歸。夷世不可逢。賢君信愛
才。明慮自天斷。不受外嫌猜。一言分珪爵。片善辭草萊。豈伊
白璧賜。將起黃金臺。今君有何疾。臨路獨遲迴。

升天行

鮑照

家世宅關輔。勝帶宦王城。備聞十帝事。委曲兩都情。倦見物
興衰。驟覩俗屯平。翩翻類迴掌。恍惚似朝榮。窮途悔短計。晚
志重長生。從師入遠岳。結友事仙靈。五圖發金記。九籥隱丹
經。風餐委松宿。雲臥恣天行。冠霞登綵閣。解玉飲椒庭。暫游
越萬里。近別數千齡。鳳臺無還駕。簫管有遺聲。何時與
曹
啄腐共吞腥。

鼓吹曲

謝朓

江南佳麗地。金陵帝王州。逶迤帶綠水。迢遞起朱樓。飛甍夾
馳道。垂楊蔭御溝。凝笳翼高蓋。疊鼓送華輜。獻納雲臺表。功
名良可收。

挽歌詩

繆襲

生時游國都。死沒棄中野。朝發高堂上。暮宿黃泉下。白日入
虞淵。懸車息駟馬。造化雖神明。安能復存我。形容稍歇滅。齒
髮行當墮。自古皆有然。誰能離此者。

挽歌詩三首

陸機

卜擇考休貞。嘉命咸在茲。夙駕警徒御。結轡頓重基。龍旒被
廣柳。前驅矯輕旗。殯宮何嘈嘈。哀響沸中闈。中闈且勿聽。

我薤露詩。死生各異倫。祖載當有時。舍爵兩楹位。啓殯進靈
嚙飲餞。觴莫舉。出宿歸無期。惟在曠遺影。棟宇與子辭。周親
咸奔湊。友朋自遠來。翼翼飛輕軒。駸駸策素騏。按轡遵長薄。
送子長夜臺。呼子子不聞。泣子子不知。歎息重觀側。念我疇
昔時。三秋猶足收。萬世安可思。殉沒身易亡。救子非所能。含
言言哽咽。揮涕涕流離。

流離親友思。惆悵神不泰。素驂佇輜軒。玄駟驚飛蓋。哀鳴興
殯宮。迴遲悲野外。魂輿寂無響。但見冠與帶。備物象平生。長
旌誰爲飾。悲風微行軌。傾雲結流靄。振策指靈丘。駕言從此
逝。

重阜何崔嵬。玄廬窳其間。旁薄立四極。穹隆放蒼天。側聽陰
溝涌。臥觀天井懸。廣宵何寥廓。大暮安可晨。人往有反歲。我
行無歸年。昔居四民宅。今託萬鬼隣。昔爲七尺軀。今成灰與
塵。金玉素所佩。鴻毛今不振。豐肌饗螻蟻。妍骸永夷泯。壽堂
延魍魅。虛無自相賓。螻蟻爾何怨。魍魅我何親。拊心痛荼毒。
永歎莫爲陳。

挽歌詩

陶潛

荒草何茫茫。白楊亦蕭蕭。嚴霜九月中。送我出遠郊。四面無
人居。高墳正嵯嶢。馬爲仰天鳴。風爲自蕭條。幽室一已閉。千
年不復朝。千年不復朝。賢達無奈何。向來相送人。各已歸其
家。親戚或餘悲。他人亦已歌。死去何所道。託體同山阿。

雜歌

荆軻歌 七言并序

燕太子丹使荆軻刺秦王丹祖送於易水上高漸離擊筑荆軻歌宋如意和之曰風蕭蕭兮易水寒壯士一去兮不復還

漢高祖歌 并序

高祖還過沛留置沛宮悉召故人父老子弟佐酒發沛中兒得百二十人教之歌酒酣上擊筑自歌曰

大風起兮雲飛揚威加海內兮歸故鄉安得猛士兮守四方

扶風歌 五言

劉琨

朝發廣莫門暮宿丹水山左手彎繁弱右手揮龍淵顧瞻望宮闕俯仰御飛軒據鞍長歎息淚下如流泉繫馬長松下發

鞍高岳頭烈烈悲風起泠泠澗水流揮手長相謝哽咽不能言浮雲為我結歸鳥為我旋去家日已遠安知存與亡慷慨窮林中抱膝獨摧藏麋鹿遊我前後猴戲我側資糧既乏盡薇蕨安可食攬轡命徒侶吟嘯絕巖中君子道微矣夫子故有窮惟昔李騫期寄在匈奴庭忠信反獲罪漢武不見明我欲競此曲此曲悲且長棄置勿重陳重陳令心傷

中山王孺子妾歌

陸厥

如姬寢臥內班婕坐同車洪波陪飲帳林光宴秦餘歲暮寒飈及秋水落芙蓉子瑕矯後駕安陵泣前魚賤妾終已矣君子定焉如

文選正文卷之六

